



Univerzitet u Sarajevu
Sindikata Univerziteta u Sarajevu
Vilsonovo šetaliste 9
71000 Sarajevo
Bosna i Hercegovina

Telefon: ++ 387 33 729 860
Fax: ++ 387 33 653 055
Web strana: www.sunsa.ba
e-mail: sindikata@sunsa.ba i
sindikata_unsa@mef.unsa.ba

Broj: 134-04/19
Sarajevo, 18.04.2019. godine

Kanton Sarajevo
Vlada Kantona Sarajevo
Ministarstvo za obrazovanje, nauku i mlade
Reisa Džemaludina Čauševića 1
71000 Sarajevo

n/r. ministrica mr.sc. Zineta Bogunić

Predmet: Stavovi Sindikata Univerziteta u Sarajevo vezani za nepoštivanje odredbi Zakona o visokom obrazovanju, Kolektivnog ugovora i Standarda i normativa za djelatnost visokog obrazovanja na području Kantona Sarajevo

Poštovani,

Univerzitet u Sarajevu i nakon 20 (slovima: dvadeset) mjeseci od dana stupanja na snagu Zakona o visokom obrazovanju Kantona Sarajevo br. 33/17 (u daljnjem tekstu: Zakon) nije pravno integriran, odnosno nije proveden član 143. ovog zakona. U članu 143. Zakona, stavu (1) je propisano da Univerzitet ima svojstvo pravnog lica, a u stavu (3) istog člana da organizacione jedinice nemaju svojstvo pravnog lica, izuzev teoloških fakulteta nad kojima Kanton Sarajevo nije preuzeo osnivačka prava. Neprovođenje pravne integracija Univerziteta u Sarajevu blokirani su gotovo svi procesi na Univerzitetu koji su pobliže precizirani i definirani Kolektivnim ugovorom za obavljanje djelatnosti visokog obrazovanja i nauke na Univerzitetu u Sarajevu i Standardima i normativima za djelatnost visokog obrazovanja na području Kantona Sarajevo. Oba podzakonska i provedbena akta podrazumijevaju da je Univerzitet u Sarajevu u cijelosti integriran, kako finansijski, tako i pravno.

Vlada i Skupština Kantona Sarajevo svojom nezainteresiranošću i neodgovornim ponašanjem su uveliko doprinijeli dovođenju Univerziteta u Sarajevu u situaciju pravne nesigurnosti kojom se blokiraju i opstruiraju vitalni procesi kojima bi se trebala okončati integracija Univerziteta u Sarajevu. Organizacione jedinice, fakulteti i instituti, nisu izgubili svojstva pravnih lica, nisu potpisani ugovori između rektora i dekana o međusobnim pravima i obavezama, radnici nisu potpisali nove ugovore o radu propisane Zakonom, pokušavaju se uskratiti prava radnika zagarantirana Kolektivnim ugovorom, nije moguće implementirati nove Standarde i normative, mnoge odredbe Kolektivnog ugovora se nastoje pogrešno primijeniti na štetu uposlenika UNSA, nastavlja se sa upošljavanjem radnika na Univerzitetu bez saglasnosti Sindikata i Ministarstva obrazovanja i nauke KS, grubo kršeći odredbe Kolektivnog ugovora i odluke Vlade KS, stvoren je veliki procentualni disbalans u broju zaposlenih u vannastavnom i nastavnom sektoru, na mnogim fakultetima ima značajan broj prekobrojnih uposlenika vannastavnog osoblja koji nije moguće preraspodijeliti na fakultete na kojima po Standardima i normativima nedostaje iste kategorije uposlenika zbog neizvršene integracije Univerziteta u Sarajevu, većina Pravilnika koji su po Zakonu trebali biti kreirani i usklađeni sa Kolektivnim ugovorom uopće nisi doneseni, iako ne postoje nikakve smetnje za njihovo donošenje. Postaje



Univerzitet u Sarajevu
Sindikata Univerziteta u Sarajevu
Vilsonovo šetaliste 9
71000 Sarajevo
Bosna i Hercegovina

Telefon: ++ 387 33 729 860
Fax: ++ 387 33 653 055
Web strana: www.sunsa.ba
e-mail: sindikata@sunsa.ba i
sindikata_unsa@mef.unsa.ba

zabrinjavajuće da niko ne snosi odgovornost za nedonošenje navedenih akata i provođenje pomenutih procesa, a da Osnivač sve to nijemo posmatra i tolerira.

Zbog navedenog, Sindikat Univerziteta u Sarajevu, kao reprezentativni predstavnik uposlenika na Univerzitetu u Sarajevu upozorava Vladu Kantona Sarajevo da ima obavezu osigurati dosljednu primjenu odredaba Zakona, vodeći računa o poštivanju vremenskih rokova vezanih za donošenje podzakonskih i provedbenih akata, kao i okončanja određenih procedura kojima se finalizira proces integracije Univerziteta U Sarajevu. S obzirom da Vlada KS, odnosno njen Premijer kao potpisnik Kolektivnog ugovora, nije ispoštovala većinu svojih obaveza preuzetih Kolektivnim ugovorom, a čije neprovođenje blokira proces integracije Univerziteta u Sarajevu, Sindikat Univerziteta u Sarajevu upoznaje ovim putem Vladu da će iskoristiti sve pravne mehanizme kako bi zaštitio prava radnika zagantirana Kolektivnim ugovorom i pokrenuti tužbu protiv Vlade KS.

Ovim dopisom još jedanput skrećemo pažnju predsjedavajućem Skupštine KS, premijeru i ministrima u Vladi KS da ozbiljno shvate situaciju u koju su doveli Univerzitet u Sarajevu i da u što je moguće kraćem roku, u skladu sa Zakonom, osiguraju punu integraciju Univerziteta u Sarajevu i na taj način omogućiti nesmetanu primjenu Kolektivnog ugovora i Standarda i normativa koji su nužni za efikasno funkcioniranje Univerziteta u Sarajevu u svim njegovim segmentima, posebno nastavnim i naučnim. Također tražimo da Vlada KS provjeri i preispita sva zapošljavanja na Univerzitetu u Sarajevu u prethodne četiri godine koja su provedena bez saglasnosti Vlade KS, kao i zapošljavanja bez saglasnosti Sindikata UNSA od početka primjene Kolektivnog ugovora, tačnije od 1.1.2019. godine.

S poštovanjem.

Predsjednik Sindikata Univerziteta u Sarajevu

Red.prof.dr.sc. Jasmin Velagić

Dostaviti:

- Naslov
- arhiva